

娛親雅言

丙寅九月
根涼署



丙寅十二月

娛親雅言

鄧邦述署

娛親雅言

辛酉冬奉 慈輿入居葑宅別闢宅西南隙地爲老人遊息之所署曰闕園丙寅初春吳中賢碩集消寒會於茲園乘輿有作霏金戛玉佳章鱗集因輯錄之並及聯勝石刻以志盛緣抑亦承歡之一助云 根源敬識


詩詞

吳江金松岑先生天翮

闕園消寒九集呈曲石閣揆

忍飢誦詩書所學在匡濟經綸始大孝寸心塞天地曲石西南英

娛親雅言



新2434

千鍊非農器高舉迕時會艱危氣益厲南山豆荒穢慈母當歸寄
金閭綰南北賢豪欣執轡愛此南園勝百指搜蒙翳花藥媚春陽
照見嬰兒戲娛親撫金石碑版羅四裔客來商政略但道菜根味
猖狂借詩酒賤子託末契敦槃當九合梅萼舒清麗把酒望楞伽
遠青出睥睨觴政有倫序兵氣莽燕薊羣兒爭自貴賢豪分捐棄
鳴禽上園柳天倪弗終闕板輿日將迎喜見高旻霽寄語東山人
長吟休擁鼻

太倉舉子應先生人麟

鵬園消寒有作呈印泉先生吟壇教正

騰越有奇賢云是老聃曾肯來作寓公增我吳山秀築室繹溪邊
占地逾五畝迎人有春色三徑植梅柳命名曰闕園嬉以娛阿母
大孝風斯世永介堂護壽子美滄浪亭公謂費結構彭城寒碧莊
公謂過雕鏤疏宕涉成趣彼皆非其偶高閣一登眺胸襟滌塵垢
縱在城市中奚啻山林友平生嗜金石著錄邁歐九兼擅書畫癖
更出米家右曩昔政績多秦人碑有口宦轍踵我祖相距百年後
後先有同揆令名垂悠久一日招我飲盃中有旨酒羣彥揜裳至
門外車輻湊當筵唱入雲恍聽銅琶奏旣醉乃言歸投我以璫玖
相見如故交情誼抑何厚我愧無以報俚詞且吟就儻然不我棄

一一正紕謬

吳縣黃若立先生覺

印泉閣揆新治別墅於南園題名闕園依其太夫人姓氏蓋
繼潘岳園惟將母之興也丙寅正月二十九日與丹揆督辦
子嘉姻丈作消寒末集招觴於是索爲題吟率成五言二十
八韻卽呈同正

謝眺林泉宅平疇十里紆衣冠延北戶黼黻隱西樞疊壑居斯美
藏山德不孤潘安將奉母梅福豈非夫李端詩作客長非夫池館多幽致文章
有興娛開軒賓從雅掃徑主奴都銘字印老近收藏魏隋墓志甚富幾千墳書籤

擁百郭苔階驕異客藥園晦吾徒勝事今朝永天時昨夜殊輕雷

收臆凍密雨送寒酥

是日經雨聞雷

簪盞詩人筆觴浮玉女壺笑聲聞鳥

愕狂態惹花憺春意傳庭角涼風襲座隅桃枝舒眼媚梅朵映顏
癰波暖先知鴨冰融莫問狐流光垂不盡佳日詔相俱東郭高情

履南園雅集圖飯牛含埜潤洗馬憶池枯

印老建闕園發土得洗馬池舊碑疑爲遺址

韋白

齊名遠彭錢踵武敷一邱遺趙宋斯世見楊朱台下三槐蔭門前

五柳株煙霞堪歡傲水石老許謨

李綱事

吳越思游俠長安賤狗屠

且忘蠻觸鬪但許犬鷄諛醉發青鯨吼閑從白鷺徇鸛雲長爛縵
鴻雪未模糊本是徵文地眞成聖樂區中原消長亟機觀去放懷

無

杭縣沈聽民先生祖縣

丙寅春消寒九集印泉先生招飲闕園皆有詩惟余以人事
牽率久未報命今主人輯錄成集付諸剞劂仍命爲詩附尾
乃勉集靖節詩句錄呈誨正

東方有一士高操非所攀長公曾一仕清節映西關一朝辭吏歸
守拙歸田園不爲好爵榮甘以辭華軒榮華誠足貴於我如浮烟
靜念園林好而無車馬喧侵晨理荒穢歲功聊可觀梅柳夾門植
榮榮隄下蘭鳥哢歡新節晨夕看山川陵岑聳遠峯勢緊西山巔

開徑望三益卽事多所欣笑傲東軒下校書亦已勤禮服名羣從
日昃不遑研試攜子姪輩所說聖人篇春秋多佳日一欣侍溫顏
爰得王母心惟願此長年澆我新熱酒乃言飲得仙瞻夕欣良讌
清唱與鳴彈提壺接賓侶一遇盡殷勤栖栖世事中行止千萬端
慨然念黃虞百世當誰傳

復用韋齋先生均題奉錄呈曲石先生再正

過眼烟雲事物非喜君避地早忘機只知處士梅千本不慨將軍
柳十圍堂背樹萱花密密池塘入夢草菲菲天教得姓從求闕應
變方 able 得萬機

吳縣吳穎芝先生蔭培

曲石先生以闕園娛親雅言冊命題漫作長歌奉報希有道
是正

滇雲舊夢五十年法明古寺今依然

雲南永昌郡城有法明寺在太保山麓載明徐霞客游記余弱冠後曾夢

游至此見寺門題額

昔人霞客不可作傾蓋一笑逢青蓮永昌萬里隔江左天

涯咫尺萍蹤聯曲石先生本儒將前身況是詩中僊東渡探奇學

徐市西行鑿空追張翥抽簪不歷桑海劫三吳作客居岷塵板輿

養志奉潘母城南小築開平泉草堂佳氣鬱花木春暉近接滄浪

天鄉地頌聲出金石歐陽箸錄新成編

先生近編吳金石錄

攬轡澄清待時

周舉觴談笑張賓筵酒餘共述經過事南園胡蝶懷前緣金齒山

中夢游地讀書陳跡留蹄筌

法明寺爲先生讀書處

梁公親舍太行遠先生偕

隱葑溪邊園居高會德星聚坡翁佛印同留連

先生近集同人舉消寒會有詩僧臥雲入座

仙香幻境卽眞境靈山我亦思參禪

余此夢在同治壬申冬寺門見有仙香妙集題字夢中僧勉余參禪謂一

切皆幻境耳

吳縣亢惕菴先生惟恭

闕園消寒九集率賦長歌呈曲石先生教正

自古眞英雄求之倫常中男兒有血性天馬快行空鴻鵠一舉三
千里扶搖直上摩蒼穹歛然見首不見尾騰雲天矯猶神龍觥觥

鄴侯懷壯志手造共和復漢功風雲瀕洞事變幻將母輶晦葑溪
東花下板輿承色笑宅旁拓地占三弓線以短垣築精舍半村半
郭看春農消寒九集盛裙屐柳色微綠梅殘紅憑高四望天影墨
潤花細雨吹濛濛伯牙大臺調嘹亮汪倫異曲偏同工更有周郎
善音律振喉發響如洪鐘對酒當歌行樂耳圖成主客留泥鴻合
影一臨別各贈書一束吉金樂石碑磨礱師友詩文母壽序壽之梨
棗名山同卽今蘭陔敦孝敦想見輕裘緩帶風

吳縣汪鼎丞先生家玉

丙寅正月下旬爲消寒第九集闕園主人出素紙命題勉成

七古一首以副雅屬並呈諸大吟壇教正

隴西自古稱名族千年將種斷復續曲石李公崛起起功在人間
足紀錄身歷滇陝粵贛湘驅車所至勞僕僕昔年匹馬走汴梁富
平胡公敬禮篤贊襄軍務方倥傯兼顧根本籌教育手提膏火百
萬金禁止軍人勿侵剝年來無地不干戈中州學子猶可讀頃有
友人自北來道公政績尤鑒鑒江南士子聞此言那不肅然心欽
服邇來息影在吳門相地鍾溪宅是卜新闢小園奉太君上承色
笑萬事足消寒雅集集斯園賓客滿堂相徵逐家有金石詩書畫
光采彪炳炫我目又示上官羣僊圖令我奏唱八仙曲金樽檀板

興不淺此集何減南園樂又聞我公好學佛經生放膽進忠告世
事擾攘正未已何時掃盡煩惱毒天上八萬阿修羅難免墮入阿
鼻獄甯靜澹泊適吾心富貴功名非所欲出山泉濁在山清不如
長享安閒福

吳縣張仲仁先生一鑒

印泉先生爲尊慈闕太君築屋舍之左近顏曰闕園徵同人
爲詩歌久未報命夏日避暑廬山乃作此求教正

吳中流寓多名賢曲石先生此息肩衛公功業軒天地鄴侯棲遜
疑神仙風塵瀕洞何時已泉石徜徉別有天先生產自滇南微期

門子弟誇影狡投筆非榮萬里侯請纓尙是三河少碧雞金馬聲
暗鳴風虎雲龍起壯圖西陲經略蘇卿節南粵勛名馬援珠駝歷
承明依大樹又熏丹穴筦天樞相貴羣兒鎮相斫砉然長嘯歸林
壑試問橫金蓋世功何如舞綵依親樂城南淥水敞名園瑤草琪
花繚短垣白下爭墩陋安石衡山學道祖長源圖書插架呼龍犬
金石羅庭付鶴猿太君日涉娛清景呼僮婦花婢淪茗甲第相望
界綠楊金環不閉紆丹軫坐中賓客酒盈樽蘇梅皮陸茅茹引東
西廡下兩家春我亦華笙韻裏人同奉板輿祝眉壽良辰美景屬
天倫

太倉畢子颺先生人變

滇南志士相奮袂越賊乃有伯陽裔義憤填膺拯我黎鞏龍攫虎
風雲際以身許國踰粵嶠板輿供養每錄焦高枕秦關十閱月甘
棠遺愛令聞昭癖金嗜石搜名蹟多公護我先人澤日後更作宣
南行翊贊國事冠百辟一朝政變快投簪避囂吳市作山林泉石
娛親樂吾樂命園之意乃孝心草堂初治廣延客我亦策蹇欣及
席樽有美酒聊共揮興來不顧耳顏赤徧栽柳桃與寒梅鬱葱且
待十年來主人嘯傲北窗下蜂是爾使驥是媒我與主人初識面
餉以珠玉樂無倦

以君家碑傳
文字見貽

今日清宴聆緒言君留安得不焚硯

丙寅夏正二十九日闕園主人同王丹揆彭子嘉兩先生招
飲酒罷以尺素屬題率成七古一章聊報文字之飲免遺昌
黎之嘲工拙固所不計也以尺幅長再作二律補白

偶到城南訪闕園主人投轄我眉軒羣賢笠屐紛紛集一曲霓裳
緩緩翻

俞粟盧汪鼎丞
諸君皆度曲家

酒後曹騰如欲睡雨餘談笑不嫌喧青山負

郭遙相揖入望桑麻接短垣

謫仙肥遯溯高風結宅吳門作寓公點綴草堂延衆籟婆娑薤幄
關芳叢逢春先許尋梅柳招隱何妨種韭菰傾蓋論文若相識襟
期颯爽氣如虹

太倉王寅菴先生澤永

題闕園敬呈印泉先生詞壇鑒正

滇池洱海朝曦融洗洗崛起人中龍藥師不爲儒冠誤畢竟開唐

第一功義軍擁戴將門子

公先德皆以武功顯

籌邊樓竦珠江汜仰天誓日揮

琯戈矚奮南溟九萬里分陝宣勞憶昔年坐看百二雄關連隰沔

載詠棠陰帶碑口爭揚召伯賢時清未許歸盤谷元首明哉寄心

腹衛文富國重農商大賢當路民生福伯陽道德全吾真浮雲富

貴超常倫市朝林藪皆堪隱一心酷愛江南春竭來選得葑溪勝

卜築平泉闢花徑北堂更喜樹金護萊綵板輿動清興雅集新開

北海尊馬龍車水闌公門主人欣然詔賓客願以娛親老灌園呼
僅捧出鳳尾硯酒半徵詩屬羣彥風流吏部夙工吟新詞麗句誦
行擅妹情畢君志願以闕
園雅集長誦見示師表人倫世已稀闕園獨報三春暉北斗
高高泰山峻圖史金石爭光輝公蒐羅金石以保存國粹
爲已任尤足爲藝林生色
吳縣彭雲伯先生清鵬

闕園誦爲曲石閣揆賦

人生至樂寧有此將相竭來爲孺子退休歲月博慈歡小隱園林
增勝事第宅弘開葑水旁風流不羨午橋莊妻孥問寢春暉永昆
李聯床夜雨涼碧雞金馬時傳箭僑居何用思鄉縣文若宗親去

潁陰巨光世系分東眷高下池臺結構精九柯十匠費經營平泉
草木羅千品鄴架圖書富百城闕園兩字新題署持盈保泰昭深
慮大樹將軍恥論功七松處士仍敦素君不見相州魏公畫錦堂
高牙大纛誇還鄉回思眷戀庭闈日列鼎憑茵應感傷又不見河
陽潘令閒居賦仕宦卅年嗟寡遇家園色養能幾時趨拜車塵終
自誤榮名厚實古難全如公遭際眞神仙玉室金堂在人境玄霜
降雪駐親年我有片言公記取高臥東山行再起好將門內太和
風掃清世上修羅雨

丹揆印泉兩世丈偕七叔父爲消寒九集招飲闕園用韋齋

先生韻賦呈教正

十年浪走悔前非
擺落風塵此息機
遣日羽陵尋墜簡
消寒酒陣破愁圍
芝蘭滿室欣初入
梅柳環階已再菲
聞道山公譽小阮
靈車深恐負雕幾

九九光陰轉盼非
當筵烟雨釀春機
清譔雅奏珠生唾
南陌東阡翠作圍
寶刻六朝留琬琰
微譔一紙采葑菲
問梅諸老遺徽在小
子無能望庶幾

嘉道間吳中老宿與先高叔祖輩間
公及先曾祖文敬公結問梅詩社

常熟王飲鶴先生朝陽

率成闕園短歌一章聊表獻曝之忱卽呈印泉先生吟壇削

正

江東名士文筵開消寒結社姑蘇臺揮毫欬吐盡珠玉春生四座
羣僊來鄴侯丰度最豪俊胸羅北斗真奇才奮身萬里起騰越壯
游探藥歸蓬萊是時中原方板蕩安危濟世需良材揮戈誰與討
卓莽旌旗日月明珠崖亂平合課桑麻事鴻猷待展登樞台何圖
政海多風浪新邦百象沉陰霾扁舟忽動莼鱸興吳門卜築譚南
陔關地愛栽陶令菊騎驢還看孤山梅板輿日涉園林趣白髮藉
慰萱親懷巍巍祖德樹南服歲寒松柏題書齋唯公一門盡忠孝
狂潮聊挽民風頽德星今夕聚東郭闕園置酒招朋儕如予清狂

乏薄技末席何幸叨追陪鴻篇鉅製壽金石摩巖墨迹皆珍瑰贈
我瓊瑤無可報燈窗且爲支吟腮獻賦愧無枚乘筆寬腸且盡李
膺杯

吳江費韋齋先生樹蔚

印泉先生築小園奉壽母闕太夫人卽名其園曰闕園丙寅
孟陬小盡雨中招宴屬予爲詩勉成二律

膏雨來過數屐痕盡收新綠入芳樽了知飲啄天心定不作寒暄
道味尊風裏笛聲調繚繞席間有數客能誦水邊野色眼溫存平泉草木韓
陵石賓侶追歡得細論

更無安石與爭墩眉壽堂成說報恩

張魏公作眉壽堂奉母卓太夫人

夢到高涼非

舊郡

以洗夫人況闕太君以信都侯況印翁也

意行劉阮得新村畦中菜把初登俎牆外花

枝欲奪門煙景漸佳勤送喜十栽慈竹蔭桐孫

吳縣彭子嘉先生穀孫

奉題曲石閣揆闕園落成二律次韋齋元日所作韻

何妨李耳竝韓非多見多聞自息機禮器傳家瞻孔里威儀補袞

纘湯圍南園地正三弓拓東女天教百卉非淵雅有堂懷老鐵今

人庶與古人幾

府志新造橋街王惕甫故君

行年尙未到知非富貴浮雲不蹈機慈母高堂常獻壽將軍大樹

久成圍春光吳會花初放鄉夢滇池草正菲美景良辰誇樂事萬
方多難此研幾

吳縣尤賓秋先生志達

丙寅消寒九集王丹揆彭子嘉李印泉三先生招飲闕園園
爲印老讀書奉母之所其太夫人姓闕氏因以命名時冒雨
游覽各處覺庭宇軒敞花木扶疏頗饒城市山林之趣園西
偏有水一泓曰洗馬池載於范馮兩志亦名蹟焉爰賦七律
二章以誌鴻雪云

愛君東閣能延客速我驅車冒雨行鄴架書堪醫俗病平泉花正

向春榮搜金獵石風懷古說劍談兵老氣橫五十年猶孺子慕千
秋贏得闕園名

蒼茫洗馬古池邊回首功成汗血年一去金臺留駿骨幾番雲路
著先鞭擊壺入破譟悲壯攬轡空懷志幹旋輪與南園小兒女春
風連騎賽秧田

吳江周迦陵先生麟書

印泉閣揆闕園落成置酒招飲謹賦兩律奉酬

瀟灑長安李贊皇平泉花木傲侯王黑頭奮績尙書省黃髮承歡
畫錦堂六代江山供藻繪五湖風月費平章應知霖雨關天下莫

負雲霓大旱望

歲寒松柏鬱青葱小結吾廬一徑通風雨聯床懷故舊江湖戰酒
老英雄昔年煙景南園麗當代聲名北海崇且作新詩酬雅集攢
眉入座愧難工

丙寅十二月初四日印泉先生重集消寒會招飲闕園以事
未與賦此奉謝卽呈同社諸君子郢政

闕園精舍出喬木下有方塘翳修竹

園中葺上草堂基地極高
旁有飲馬池爲吳中古蹟

澗底松

柏何青蒼嶺上梅花正馥郁園中主人人中龍解甲歸田課耕讀
南園佳景儘徜徉西山古蹟勤討索正是天寒歲暮時乾坤入抱

增寥廓文字光芒聚德星臨風共倒樽中綠幽賞足揮庚亮壁高
歌安用漸離筑回首風雲滿海隅傷心蠻觸爭蝸角何似銀缸照
玳筵彼徒辛苦吾差樂用東坡陪歐陽公宴集西湖詩句重勞仙伯遠招邀轉惜鰥
生苦煩促欲往從之道阻長九九竟負消寒約卅里吳山葑水間
晦明風雨耐寒綠

湘南李蔗村先生鴻春

仲秋應召讌集闕園賦呈印泉總長鈞誨

獨力頻將大廈支元戎勛績冠當時名園月擁棲鸞樹別墅雲興
洗馬池四壁縱橫碑歷歷中原感慨雨絲絲澄清欲博慈闈喜叢

桂香濃醉玉卮

石屏臥雲法師靜圓

奉題闕園呈曲石鄉長教正

名園小築傍姑胥風度當年范大夫寄傲東山屏絲竹忘情北闕
老江湖萱庭戲綵春常在鄴架題籤手不汙更展蓮經尋妙諦好
留花下一團蒲

臨桂况夔笙先生周頤

百字令

印泉先生卜居吳門拓地築園奉母闕太夫人名曰闕園爲

娛親雅言

賦此解錄呈教拍

平泉新築罨葑溪，蔚然深秀，曾是鐵翁觴詠地。

新造橋，銜王鏡夫故居，見蘇州志。

近種梅花楊柳，息影搏鵬，雄姿射虎，未肯韶華負遙山。西爽送

青來，照尊酒。

佳話韋曲難方，外家騰美，緒衍齊卿舊。

闕氏齊卿，闕止之後。

復高堂承樂志，得似魏公眉壽。

張魏公作眉壽堂，奉母卓太夫人。

玉茁庭階，花迎杖

履，綵服娛春，畫書聲琴韻，幔亭無此遨奏。

變老長公子，又韓維琦。

踏莎行

丙寅六月，敬繪闕園圖，並題此解，呈印泉老伯鈞誨。

茂苑尋幽平泉小築谿山占取倪黃軸瑤林琪樹罨樓臺石家未
許誇金谷翠水漣漪朱蘭余曲斑衣綵豔凝朝旭南陔蘭膳止
芳馨北堂護草長蔥鬱

吳興龐復庭先生中行

望江南四闋題闕園娛親別墅卽應印泉閣揆雅令並希教
正

鯨谿好城郭柳絲斜隔水疏鐘聲斷續拏雲雙塢影槎枒南畝富
桑麻

春暉好介壽酒杯寬羅紙金花添笑語牙籤玉軸博親歡慈竹報

平安

園林好衡泌碩人邁碧蘚軟茵供小坐紅鑪煖酒醉高歌梅雪舞
虬柯

江南好韋白盡知名北海尊疊看介雅東山絲竹寄遙情霖雨望
蒼生

聯勝

手闢小園連綠野

心將寸草報春暉

印泉闢園奉親予既題額復爲聯語贈之民國甲子長夏六

月拙安老人孫光庭

半郭半村於此間得少佳趣

一觴一詠亦足以暢叙幽情

印泉先生拓地南園奉板輿燕賓客地望爽塏環城雉堞如
堵而楞伽七子諸峯聳翠出城上丙寅孟春消寒九集相與
評金石鑒名畫淪薌溫醪時寒梅盡吐園外菜畦亦沾雨葶
甲臨風倚檻率然成此聯先生撫掌稱善綺石老人命筆書
之吳江金天翮集句并跋太倉畢詒策書

山光照檻塋影黏雲永日足清娛繞鄰觴稱金谷酒

紅萼詞新墨華誌古遙情託高詠題襟人試老萊衣

印泉先生卽吳閶城南拓地築園爲奉母讀書之所有梅花
百餘株自餘嘉卉稱是憑闌一望靈巖楞伽諸山亘其西報
恩峙其北雲嵐匝市如對屏障園外畦町繡錯菜花開時如
黃金布地昔人所稱麗矚殆無逾此近收臧魏誌石十唐誌
石一南漢造象石三舞綵餘閒撫抄翠墨致足樂也屬爲楹
言紀其勝卽希鑒教丙寅仲春臨桂況周頤拜題

巨漈息搏鵬欣看愛日舒長還珍重綵服南陔眉筵東閣
清池鄰洗馬幾許英姿颯爽憑問訊留人叢桂照眼梅花

丙寅三月臨桂況周頤撰大理王人文書

佳日此追游佇梅深瑣闌柳蔭清池是王母朱房翠水
春暉正和煦看露裊緗桃徑迴芳草似仙源紅樹青谿

西王母傳所居朱房琳宇翠水環之王維桃源行坐看紅樹
不知遠行盡青谿忽見人臨桂況周頤撰句歸安朱孝威書
奉老母晨昏闢吳會五畝園花竹圖書能養志

共斯人憂樂定神州百年計江湖廊廟尙關心

蘇州葑門內闕園爲前閣揆騰衝雪生李君所新闢以奉母
讀書於其中雅足尙也謨句寄贈之中華民國丙寅歲三月

三日劍川石禪老人趙藩並書時年七十有六

寶樹蔭恆春桃實年光稽度索

朱闌凭愛日梅花消息佇靈巖

奉題闕園丙寅二月醴泉宋伯魯

異端簞鼓賢者並畊秋雨欲生魚白草黃沙攬轡范滂宜此日
愉色板輿英雄未老中原還逐鹿名園野竹絕裾溫嶠更何年

印泉總長關闕園爲歿堂丙寅三月固始秦樹聲敬譔並書

葑上草堂 印泉先生屬正羅振玉書

彝香室 印泉先生屬江甯鄧邦述書

石刻

闕園

印泉於曲石精廬西南隅作小園蒔花種樹爲尊堂闕太夫人遊憩之所名曰闕園板輿養志日涉成趣太夫人可以顧而樂之云民國十三年六月曲靖孫光庭

闕園

印泉仁兄奉母闕太夫人卜居吳門闕治小園爲板輿游衍之地太夫人年登古稀几杖康吉施延色養之樂柴桑日涉之趣殆兼之矣甲子十月孝臧并記

南陔春永

印泉作闕園以養親屬書此四字民國十三年章炳麟

炳麟

康強

古滇鐵洲孫鑄

印泉既闢闕園奉其母太夫人游

憩又取家鐵州所書康強二字以爲母祝其孺慕之忱有足

嘉者甲子六月孫光庭識並書

彝香室

稽堂李煌

此清吏部右侍郎江蘇學政昆明李

煌墨蹟民國十三年騰衝李根源雙鉤上石屬于右任題

葑上草堂

辛酉十二月偕弟武誠奉慈輿移居葑門新宅西

南隅有隙地一區四面開朗據南園之勝菜花黃時如金鋪

地老母愛之命購治小園以爲游息之所題曰闕園工未竣

去北京今歲暮乞假歸省侍老親度歲適是堂落成因書堂

額並識緣起如右壬戌除夕根源

洗馬池

吾母以闕園狹小續購韓氏地二畝益之就西北隅增築彝香室三楹工將竣鄰居彭子嘉先生來觀指池示曰此范文穆志所載之洗馬池也適余新濬池得雍正二年新安程氏祠堂記刻石一方云祠在洗馬池東證以彭先生言則此爲古洗馬池吾園在池東其程氏祠故址歟馮志紀宋楊備題洗馬池詩曰一一牽來總是龍臨深欲下更嘶風金鞍玉勒拋何處騰踏渥洼寒影中並錄刊於石以存斯池故事中華民國十四年乙丑十月李根源並書

秦量刻石 廿六年皇帝盡并兼天下諸侯黔首大安立號爲皇

帝乃詔丞相狀綰法度量則不壹歎疑者皆明壹之 秦量刻辭戊午四月清道人題 宋拓泰山二十九字有此完好精神耶大小徐既未見繹山真本李陽冰其果見之否耶此不蓋不啻秦石新出土矣小篆中興於此徵之戊午初夏衡陽曾熙 史載始皇廿六年一灋度量衡石此卽量之詔版也文共四十字見歐陽公集古錄印泉刻石永其傳甚盛事也故樂爲題識之曲靖孫光庭 秦時權量蓋非一人之筆余得秦權甚多獨未得秦量權文多以刀刻量則有鑿鑿成

書者是器字迹奇麗恣肆雖石鼓亦或未逮灘縣陳氏詔版筆法頗與此近然橫逸殊未及以斯爲上蔡親書可也執友李根源得攝影放大本思其不傳爲鈎摹上石以廣學篆者之聞見是豈鄭文寶申屠駟所能知哉民國十三年一月章炳麟 薑齋藏有秦詔文與此同所異者方筆耳立下所損爲號字昔人釋狀爲隗狀綰爲王綰歎疑卽嫌疑余深然其說印泉兄長得名工謀以此銅詔版壽石廣惠學者囑爲跋甲子二月于右任

楊文襄公與鎮江太守滕危言五扎墨蹟石刻 向求作車駕幸

第錄詩已蒙許諾今刻本將完專候大作希慨賜爲感一清
拜求府尊膝先生吟几 小孫廕官實出口恩揣分知媿豈
敢受賀况昨者已蒙厚饋今復寵賜盛儀其何能堪謹此告
罪希俯亮愚衷收納爲幸一清再拜府尊膝先生執事 屢
蒙教示具見爲民至意聞貴目未愈此固傷熱要亦勞心所
致請暫清心省事徐用涼劇服且洗之尤宜避風日使勿再
侵辛甘煎炙之物且不可用不日當平復矣池蓮十五枝少
供咀嚼媿不能多也亮之一清再拜郡伯膝先生執事 日
昨盛舉乃執事承流宣化之美意也顧山林韋布之人何以

當此感激何可勝言且暑氣方熾重勞久坐益感益媿謹此
代謝餘候面悉一清再拜府尊膝先生道履宜興任瑀舊家
故識也希一目之至叩至叩鴻鶴莊家僅薦花與果野人芹
獻也 久闊不勝懷想今早聞使舟已還方欲遣人齎柬候
問顧又辱腆儀頒惠增媿增感知上官在此不敢辱重遠臨
待二三日入城叙謝先此以復亮之幸之一清再拜大郡牧
膝先生執事別駕徐大人節推崔大人同此希道意 明楊
文襄公諱一清字應寧其先雲南人後家丹徒幼以奇童爲
翰林秀才成進士歷官至首輔性警敏善權變好談王霸經

世大略邊功著一時亦博學工詩善行草書此與吾鄉滕危言先生謚手扎蓋正德中曾避蜚語歸田適先生守鎮江也時武宗南征宸濠幸其第故有車駕幸第錄之作史稱公愛樂賢士而善與先生交遊又扎內有屢承教示具見爲民至意及日昨盛舉乃承流宣化之美意云云先生之居官亦可想見其出王文恪公門無愧矣字蒼古直入唐人之室兼有奇氣風節宛然松琴旣得魏文毅公手書復得此扎可謂璧合道光六年丙戌重陽日東萊翟云升題並書 明大學士安寧楊文襄公與鎮江守滕謚危言五扎手蹟箴子末有翟

云升文泉題跋友人董毅生餉余藏篋有年癸亥歲輯印滇人書畫集取以冠首今騰衝李雪生部長復鈎摹刻石用以慰海內士夫景仰文襄之心甚盛事也公書留傳已渺此冊致可寶貴書中言車駕幸第錄將完紀武宗幸公第事也錄今已不傳又言小孫廕官則公嗣子紹芳之子完廕中書舍人留居鎮江者也危言山東人王文恪鑿門下士書中稱其承流宣化屢示爲民而石淙詩鈔中有偕遊招隱山金山諸詩且言太守好清兼好古是亦一循吏宜爲公所契洽也冊爲公晚年書蒼古有奇氣誠如翟評夫公固有餘於書之外

然卽書亦可見公也雪生於公最所景慕其長陝也勝治事之堂曰景遂而陝人稱其爲政得文襄遺意今又刊公手翰而永之是真能愛鄉先正者近歲滇中刻成公石淙詩鈔關中奏議諸種又得嵩明李文漢所收公邑人朱淳輯公事略一冊亦加校訂昆明吳琨助刊資並收入雲南叢書告之雪生誠能覓得石淙類稿而再梓之其爲快慰尤無旣矣乙丑長至後學趙藩敬跋于昆明樸學齋 子周子有言文詞藝也道德實也篤其實而藝者書之美則愛愛則傳焉書尤藝也不有實者於其中更烏足愛烏足傳印泉篤志耆古嘗刻

明滇南五名臣集以楊文襄公冠首長陝時作景遂堂以志
向往不數月而政教大行惜乎督軍團之亂旋作而印泉遭
阨矣視文襄之視陝學六載總制三邊歷年久者迥殊矣功
業之就不就殆有數存耶今印泉又鐫是手扎於吳門以永
其傳史稱文襄幼性警敏長益闊大愛樂天下賢士大夫與
共功名祿俸所入隨手散給都不省記印泉蓋有訴合於文
襄之實者故於其藝而斯愛斯傳之不能自己也予故樂爲
識之乙丑長至曲靖孫光庭書於京師淨業湖寺南院之東
齋 安寧楊文襄公相業與唐姚梁公李衛公相亞宋韓范

之經略西夏遠弗也中至除逆瑾一事尤爲功在社稷瑾就
執時身藏利刃武宗曰奴果謀反使非公默逆機宜與張永
合謀除姦肘腋宮禁之內能不寒心清高宗御批通鑑輯覽
評論臣工多鄰刻覈獨於公激張永除瑾事謂爲變而不失
其正予之者至矣公書世不多見印泉先生寄示公與滕太
守五扎墨蹟拓本字體出入山谷襄陽間尤具飛舞之致展
讀之餘曷勝敬仰乙丑嘉平月保山後學吳燾謹識 煦自
髫年讀史卽深佩楊文襄公之相業比長聞父兄鄉人稱道
公爲滇中偉人益動桑梓敬恭之念蓋藉以公籍丹徒也懸

念有年無由讀其手翰今印泉先生獲公致滕太守書摹刻
拓寄莊誦數過覺字裏行間具有奇氣大體與錢南園先生
顏頤洵爲一代鴻寶嗚呼由公之書翰進窺公之文章氣節
其有裨藝林非淺是所望於後之觀者聊識數言以誌景仰
乙丑嘉平後學吳煦謹識 吾滇楊文襄公慷慨有智略文
章勲業爲有明一代不數人物雖遭際聖明而屢致顛隕其
氣節不少貶抑官陝西最久總制三邊強虜翕服印泉治陝
頗思追其遺踪惜陋於時而不能竟其志石禪老人所藏文
襄居鎮江時貽滕危言太守五扎蒼古有奇氣印泉敬愛不

忍釋手今於兵火彌天之日息影蘇門鉤刊於石以傳諸世
其襟抱之淡遠豈時賢所可及哉爰書數語以志景慕丙寅
三月王人文敬跋 三希堂收宋思陵養生論西涯跋云吾
友楊應寧所藏文襄書法工賞鑑精可見其概昔者獲文襄
書林隱辭不及與滕太守書札之精扎中有三南居士印尤
他處所希見印泉摹鐫上石信哉天下之寶當與天下共之
矣抑吾有深感者明史本傳於文襄事稍略夫功業如陽明
偉矣而計擒宸濠先謁公於金山指授兵法張大復梅
花草堂集是超於
陽明也記誦如升庵博矣而過鎮江閱藏書叩疑義公皆成

誦慎大驚異肆力爲學

慎本傳

是超於升庵也詩如西涯一代

之宗工也而竹垞謂公古體原本韓蘇近體兼師陳陸觀石

淙集實有高出李者

靜志居詩話

是超於西涯也犖犖大者皆足

令人景仰近歲滇建公祠刻公集摹公像而印泉適鐫公扎

表章前哲人心同然愚故津津道之質諸印泉其許爲知言

否也丙寅春袁嘉穀跋 文襄以功業顯不以書名故流傳

絕少生平獲觀墨蹟僅此而已往游金焦見紀游詩刻石謂

得平原神髓此扎則有六朝氣韻乃知石淙藝事殊不後於

西涯吾師崛起楊與李空同豈特爲詩言哉民國十五年丙

寅夏五月騰衝後學李曰垓敬識 此吾師趙樾村先生所
藏文襄墨蹟民國十四年六月謹刻石於蘇州闕園騰衝後
學李根源

王永齋先生詩刻 上公旌節在徐方舊井莓苔近寢堂訪古因
知彭祖宅得仙何必葛洪鄉清虛不共春池競盥漱偏宜夏
日長聞道延年如玉液欲將調鼎獻明光 王思訓書 昆
明王永齋先生爲滇中鉅儒此蹟舊藏清宮民國二年歸中
央公園懸之來今雨軒游人嗟賞印泉以爲其鄉先輩遺墨
雙鉤上石屬釗記之章士釗

錢南園先生隸書墨蹟石刻 故躑步不休跟鼈千里累土不輟
邱山崇成厭其蠶開其瀆江河可竭一進一退一左一右六
驥不致彼人之才性相縣也豈若跟鼈之與六驥足哉然而
跟鼈致之六驥不致是無他故焉或爲之或不爲之耳道雖
爾不行不至事雖小不爲不成其爲人也多暇日者其出人
不遠殿 節荀子修身篇 澧 此雲南圖書館所藏錢南
園先生墨蹟民國十二年十月騰衝後學李根源刻石於吳
門 清乾隆季年和珅威福自恣南園先生劾其私人國泰
置之法又劾其不入軍機直廬遂奉命稽察軍機處直聲震

天下坤銜之甚而先生忠結主知珅譖言不行惟遇事勞苦之先生家貧裘薄感寒致疾醫投以人蓐遽殞張船山太史挽詩云飲食兼人窮更苦蓐誤死藥偏靈或曰蓐爲珅屬人轉致之醫者當時畏珅無敢過問者先生官京朝不以家累自隨既歿鄉人爲理遺篋有劾珅二十四大罪疏艸咸咋舌懼禍焚之遂令史魚臨命之節不獲表暴於世惜哉先生隸書甚妙印泉以此蹟刻石因附識遺聞如右甲子長夏曲靖後學孫光庭謹識

惠定宇先生手翰石刻 齋月重承厚誼未及造謝適又辱臨殊

深歎仄統俟暑氣稍退定登堂叩謝種種茲有懇者前曾面
借御纂書三種

尙書
詩
春秋


今特遣人走領外具家刻二種聊

爲一甌之敬耳諸面晤不具伯子大兄先生知我學小弟惠
棟頓首御纂尙書毛詩春秋向在尊齋曾經寓目舊歲貯藏
花廳東首小木櫥內并及前二小兒檢出本朝選本可讀者
四種八科小題經國集庚辰科小題文選在陸草堂課文又
雜選文一卷另存選本文室董思白集八家選本又蔡虛齋
易蒙引一部此書可裝釘爲本經腳本頗勝高頭講章外檢
過書十堆作五編現存乞令尊使收貯前太翁先生文一卷

經文三卷已面繳矣并及 此定字先生六世孫幽士家藏
民國十五年九月初一日偕吳穎芝丈祭先生墓歸借鈞上
石存之闕園騰衝李根源

趙介菴夫子輓 先君聯石刻 恢復九關馳驅未遂籌邊志坊
表一郡言行無慚祭社人 蔚然都尉封翁髻年捍圉晚歲
歸田戰績可稽言行足式在清季則於滇緬畫界之役躬入
窮邊條上恢復舊疆圖證惜時不能用入民國則一出解騰
永之紛而預決袁氏必禍天下勗子避其牢籠尤爲犖犖大
者藩以句當善後至騰衝屢接言論久要不忘今者老成人

往祭社典孚抒我誅辭質之黎獻劍川石禪老人趙藩拜輓
趙介菴夫子詩刻 心鍊丹砂骨鍊銅四年亡命大瀛東霜風未
變烏頭白海日能翻蠹背紅頓伏冥誅便此療待陳家祭告
而翁未妨破涕難爲笑四海遺黎尙困窮 寄雪生端州軍
中長律一首丙辰冬初石禪老人書於昆明寓廬



8

464357